


清陰集

十

内閣文庫	
番號	漢 17816
冊數	38 (10)
函號	函 135 1



清陰先生集卷之十一

雪窖酬唱集序

天道有始終人道有吉凶鬼神有屈伸日月盈虛
草木彫榮禽獸變化循環反覆其理無窮福未始
不為禍辱未始不為榮樂未始不為哀憂未始不
為喜惟君子乃能樂天知命富貴貧賤患難之來
莫不素位而行無往而不自得焉歲庚辰冬余與
昌寧曹君守而並被朝命來投北庭囚于別館
經歲歷月虎口之內其危已甚仕止先後始相遠
遠而遽連無妄同陷不測豈非有定命也雖然命

不可得以移守可勉而至處困愈久勵志彌堅相
與朝嗜夕嗤隨事理遣若未嘗有憂患者彼雖困
我而亦不能奪我之守間有楚奏越吟以宣其抑
塞無聊之意曹君輒錄為一帙俾余名其卷而弁
其首仍題曰雪窖酬唱集蓋亦興起於子卿之風
云嗚呼余老矣其於禍福榮辱哀樂憂喜之事固
已付之忘懷而益加自脩以盡其天命者深有望
於曹君遂因其請而為之序

清陰先生集卷之十一

雪窖集

二百八十九首

渡江日留別鶴谷洪相公雙山李太宰

庚辰十二月

月二十日雙山名顯英

少日男兒志縱橫萬里行今朝此為別深覺負平生

過鳳凰山

佳名千載鳳凰山舜日周朝幾往還五采九苞今
不見雪中愁色獨來看

夜坐

異鄉千里客孤燭五更心燭淚斷不斷客愁深復深

客夜夢歸

客路迢迢誰與期夜來胡蝶獨依依草堂深閉圖書靜夢裡還疑夢裡歸

次曹侍御守而韻 名漢英

萬事悠悠七十年向人曾不作中邊松篁滿逕從吾在軒冕如雲任自然至樂每憂兒輩覺虛名誰與異方傳陰山雪窖青春近蓬島鸞驂夢裡鞭

守歲二首

羈懷悄悄夢難成鍾漏遲遲欲五更遙想故園今夜會幾人相對憶吾行
天涯守歲坐深更絕域無人問死生惟有一燈如舊識曉窓相對盡情明

聞正朝使還國阻門不得寄書

聞道今朝漢使歸一書終阻報親知家人問我無消息幾度含悲幾度疑

即事

形如枯木卧寒雲愁似香絲繞病身窓外日斜簷影轉悄然虛館夢中人

潘陽獄中無聊以青春作伴好還鄉分韻作
五言絕句錄來曹侍御蔡秀才燕寓頌祝儆
戒之意 素以恒

野雪初銷白庭柯已變青好音華表鶴佳氣統軍
亭

楊柳關山曲梅花故國春愁聞笛裏月想見漢濱
人

憂患廢哦詩今朝有新作者羊北海人並馬西州
客

茲行是何行此伴非他伴同出復同歸平生不可

護

聞君名已佳識君意逾好擺落閑是非幽期百年

保

驥子候君至園桃待我還東風吹漫漫喜氣滿長

安

永嘉古名府千秋君子鄉歸歟茅屋下不復事封

章

潘獄八景次曹侍御韻

月滿陰山曉雪晴胡兒調拍倚高城文姬故譜今
猶在此日偏傷漢客情

右城頭曉笳

樓壓黃沙日又昏
鍾聲一擣一傷魂
單于城裡燈前聽
不似寒山夜半聞

黃沙地名

右樓上昏鍾

經年隔斷往來蹤
金鎖橫門盡日封
臘白逢春消不得
曉天疑是落梅風

右圓扉凍雪

心旌撩亂似風幢
瘦影伶俜作一雙
却愛暗燈還吐焰
夜闌金粟吊寒窓

右破缸殘燈

香車趁節去朝元
隱隱餘聲耳畔存
還似古時遊伯玉
夜深趨過衛宮門

右牆外聞車

重壁高牆隔四鄰
暗聞雞犬認昏晨
中宵試向容光處
月色多情不負人

右隙中見月

聲如啄木扣門呼
日午纔聞轉轆轤
愁殺玉蟾乾欲倒
硯池無計浴尖奴

右隔門呼吸

飄飄寒灰小屋中
炊烟滿目苦矇矓
彷徨四壁逃

無處狂叫排門向北風

右當炊避烟

次曹侍御感 東宮賜酒饌韻

需澤 青陽邸斜封白玉壺天厨味自別内釀法
應殊詩筆先歸潤愁腸一洗枯金華舊賓客慚愧
盛恩孤

曹侍御新具白幕戲作一絕

琴樽行樂地幾憶醉時歌夜半微風動還疑捲白
波

復用前韻遺意

壯志同燕客哀吟類楚歌黃眉空有暈白眼不回
波

復答曹侍御 二首

故國幾千里歸來長鉞歌春風洛江水無限白鷗
波

餘生悲短景世事付長歌安得西江米年年不起
波

雜咏十首答曹侍御

感君重斯和愧余非善歌遺風猶可溯沫泗有餘
波

我愛榮期子行行獨自歌一心如古井風起不生

波 武侯出師表文山正氣歌英雄千古恨長使淚傾

波 玉笛鷓鴣林事潘翁舊有歌何人吹一曲坐息北

夜長不着睡苦吟如怨歌應知挈壺手添注滎河

波 河在滎陽城外 夢為海鷗鳥閉聞漁父歌從來鏡湖水絕勝鳳池

仙人不返鶴壯士只留歌惟有遼城下年年水自

波 今朝蒿里客昨日畫堂歌浮世盡如此何人駐逝

波 好作洛生詠休翻金谷歌沉舟不在險弱水本無

波 慣作西州客頻聞南浦歌杜朝辭席淚一點不添

波 雜詠七首復答曹侍御

鳳舞簫韶日薰風解暖歌誰知南狩後瑤瑟泣翔

波

賈誼留鵬賦屈原遺九歌詞源洗箱篋千古激頽

波

賦詩何必多須看五子歌河梁尚古意江左漫流

波

拾遺夔州作翰林幽谷歌何如老阮籍涿水揚洪

波

韓子文瀾富詩篇亦可歌猶嫌胸次小更涉洞庭

波

清秋赤壁夜蘇子扣舷歌作賦誰堪似江流萬古

波

可憐石洲客奇禍坐詩歌今日黃泉下誰瀾誰為

波

排悶二首答曹侍御

誰見明河水空聞織女歌張翥墮房日無路送銀

波

不為飛梭至備然廢嘯歌無心青瑣裡腸斷送秋

波

次同行韻

經年鄉信隔金微柳邊春分未換衣欲向市橋尋

卜肆天涯滯客幾時歸

復次前韻 四首

七十衰翁氣力微
支頤強坐不勝衣
流年忽忽身多病
惆悵餘生歸未歸

右夜坐

異域羈囚萬念微
寒宵只憶舊牛衣
何人送我花山路
夕鳥孤雲共帶歸

右思歸

夜夢尋春上翠微
濕雲初捲露沾衣
提壺勸酒山花笑
落日狂歌猶未歸

右記夢

倦僕羸驂行色微
山風吹雪擁征衣
關梁一閉無消息
幾處回頭望我歸

右戀兒

次曹侍御感懷三絕

非關談說入秦遙
異域經年弊黑貂
寸赤自矜心上在
衰朱不惜鏡中凋

龍灣江上去留時
爾問歸期未有期
人世誰無父子別
只今如汝與吾稀

昔聞交道有稱神
歷盡艱難見偽真
頭白世間還

獨立暮年心事屬何人

次同行韻

遯迹南荒異倦遊自矜迂拙愧秦優孤誠未效心
如血短髮先摧雪滿頭已判姓名添鬼簿豈知憂
患出人謀倘非明主無恩澤那免終身有北投

聞有遣使陳
救之命故云

次前韻贈曹守而八首

鄉里追隨馬少游暮年身計此為優盃觴到手先
開口議論驚心只掉頭幽興每憑詩句遣生涯長
任婦兒謀不知何事旃裘地却作樊籠野鶴投

志士堂堂恥貴游紛紛世俗孰知優龍泉砥鏑疑
傷手駭骨論金惜買頭賈誼漢時空有策統朝秦
日豈無謀可伶今古長如此明月從來戒暗投
處世無營是樂遊達人觀化自優優揮金疏廣方
知足握美玉戎僅賣頭莫信息權山海轉須看成
敗鬼神謀諸天福地多閑館永謝塵區息姓投
世間誰辨采真遊避辱趨榮竟未優借問少游隨
款段何如新息困壺頭青山綠水誰為主明月清
風不待謀他日狂言如記取橫雲千里遠相投
疇昔曾為壙壤遊人間至樂未應優消除議論無

頃耳斷送憂東天到頭行止自然隨意適經營
復與人謀青山四面繞空宅想故年年箇箇投
輦轂山林松可遊古人於此計難優功名有忌多
銷骨貧賤無爭少碎頭豈是去留無上策只緣時
命不同謀如余久脫風波地乃老何為水火投
今日朝廷戒情游思深慮遠拙倡優圖治擬出三
玉首進步老加百尺頭駭骨酬金郭隗策干旄適
野裨謀謀山東父老應聽詔扶杖枯藜莫早投
南岳先生方外遊才何短拙志何優黃汗滿道嫌
濡迹蘭沐薰香好洗頭論士未饒當世合秉心長

擬古人謀雲中黃鵠瑤臺鶴可惜終為網裡投

次同行韻即事

重雲漠漠掩孤城瘦日啣山暝色生知是射雕回
騎至腥風吹捲獵旗聲

聞曹侍御夜分哦詩不寐

陰風切切動寒城簷鐸泠泠月欲生四壁寂寥燈
火暗隔門唯聽苦吟聲

聞笳

遼河直北古邊城二月春寒草未生何處吹殘落
梅曲關山千里斷腸聲

思歸

滇江西畔是箕城
歸路分明眼底生
法斲橋邊駘馬客
梨園坊裡豔歌聲

懷舊二首

安市山前月滿城
宣沙浦口夜潮生
十三年外朝天客
夢裡依依風水聲
蓬萊楓岳衆香城
碧海東臨波浪生
回首舊遊如夢裡
至今笙鶴耳邊聲

悲憤三首

漢家曾築受降城
驕虜犇亡半死生
到得成哀猶

有賴塞門刀斗不聞聲

洪武增修萬里城
不教邊塞虜塵生
如何漢道猶

全盛一榻容留鼯睡聲

兩宮當日下山城
萬死羞同此虜生
白首如今送

燕獄仰瞻銅輦迄無聲

次遊仙詞韻十首

紅雲樓閣紫金城
琪樹瓊花玉蕊生
朝罷群仙各歸去
天風吹送鳳簫聲

朝隨玉母拜曾城
暮入蟾宮看月生
寒色滿空涼露重
桂花零落濕無聲

十二朱欄對碧城左携方朔右期生明朝擬赴蟠
拖宴青鳥先來報一聲

丹梯歷盡更登城脚底雲烟步步生紫府玉扉猶
未啓天雞叫罷第三聲

明月宮中不夜城攀援桂樹學長生姮娥伴宿無
情在玉枕閑聞擣藥聲

久住芙蓉第一城紅顏綠髮羽翰生新恩許主蓬
萊島玉殿清晨貧拜聲

曾同柱史出秦城共占關門紫氣生千載歸來不
知處碧空時聽步虛聲

遠疑雲氣近疑城倒影滄溟滅復生化八蕊珠如
夢醒黃庭一案轉經聲

知是曾城是化城有生如夢若無生傍人不覺樵
柯爛玉局猶聞落子聲

銀漢遙連白玉城仙家多在此中生秋風又近中
元節紫極門前萬歲聲

瀋陽獄中遇 穆陵忌辰有感
曾事 先王四十年 穆陵松栢已參天當時待

從今誰在頭白孤臣獨愴然
次宮詞十五首

古今宮詞全述宮中行樂之事多有淫辭褻語
非大雅君子所樂道者故特起一例歷叙前代
帝王后妃美惡得失以寓懲創感發之義云
成周當日宅王城壺治先防逸欲生宮女夜來移
玉几月明椒掖誦詩聲

右周宮

庭燎煌煌列火城東方未啓月光生君王尚戀虫
飛夢環珮先聞下殿聲

右齊宮

西施初見闔閭城笑態頻姿百媚生齊向吳王候

顏色一時宮掖盡歡聲

右吳宮

楚王宮殿枕方城夢裡巫山誤一生瘦盡細腰君
不見暮天長怨雨來聲

右楚宮

洮河去歲築長城內院今年少子生趙瑟楚歌俱
望幸却來前殿試秦聲

右秦宮

齋宮夜靜月臨城御席前虛引賈生天子正論神
鬼事後庭休奏樂歌聲

右漢宮

二更眉月下樓城仙掌高秋玉露生看罷魚龍宮
漏盡禁門先唱放衙聲

右全

瓊奩寶篋出中城彤史光輝暎日生女士滿宮俱
動色當熊辭輦搃賢聲

右全

深宮無事閉重城鬪草截鈎度半生一自大家迎
入後玉窓秋夜讀書聲

右全

漳水悠悠繞鄴城春芳先向樹頭生夜來飛上殿

雲殿一曲歌停衆樂聲夜來妓名

右魏宮

席捲鍾陵掃錦城外寧誰戒內憂生西宮南掖巡
遊遍慣聽羔兒斲竹聲

右晉宮

南朝妙麗集臺城新作金蓮逐步生醉裡不知風
雨惡嬌羞猶愛枕邊聲

右蕭齊宮

錦帆龍舸下蕪城堤柳青青汴水生共說憨娘亦

思幸六宮無復怨嗟聲

右隋宮

車駕東征安市城千官無語暗愁生
清晨玉殿新封事認聽賢妃進讀聲

右唐宮

十月驪山雪壓城華清冰凍波生朝
來禁苑花爭笑知有前宵羯鼓聲

右全

次出塞曲韻九首

修我戈矛築我城守邊猶足保民生
如何萬里長

征戰歲歲家家聞哭聲

羽林千騎設京城貂錦恩光滿路生
朝辭紫極星

芒動夜渡黃河水裂聲

擬金伐鼓下龍城風擺黃旗紫焰生
夜深月出沙

場靜南北蕭蕭聞馬聲

玉庭自古本無城萬里黃沙白草生
令下五更探

騎設磧中何處候雞聲

昨日伏兵遮虜城朝來候吏報擒生
單于遠向陰

山道百里窸窣鳴鏑聲

夜宿河邊五里城磧門遙見白烟生
聞道載金酬

急賞月中搖過馬鑿聲
南兵日暮到新城火未燃時月未生應有家鄉書
信至暗中尋覓故人聲

隴頭明月隴邊城隴水潺湲隴底生月明夜夜長
垂淚水流年年無盡聲

將軍躍馬破堅城戰士揮鋒赤電生一捷功成報
明主歸來麟閣振英聲

次前人韻

紛紛蠻觸幾存亡遼左山河百戰場千古英雄埋
恨處夕陽殘雪野橋傍

聞懷恩之行到館有日不得通問

漢使東來到館初日邊消息問何如重門咫尺山
河隔何況長安萬里餘

書懷

久辭簪紱寄柴荆投老那知有此行耿耿百年浮
世事總為波浪去難平

曉坐

鐘聲撼室夢先驚落月蒼茫曉霧平無限旅懷消
不得更燃殘燭到天明

次春分日感懷韻

節序悠悠燕子來故園歸興暗相催清明寒食江
南路萬樹桃花待我開

感懷復次前韻 二首

南州去歲雨頻來花事園林次第催丹杏碧桃零
落盡紫薇紅藥石榴開

今歲遼陽雨不來無花無草更誰催尋紅問紫渾
閑事惆悵重門閉不開

記夢

嬌女分明入夢來挽鬢牽臂苦相催側身轉報忽
無處月落鷄鳴門未開

排悶

去國猶生異域來歸期杳杳只心催閉門幾處雞
鳴早不為行人夜半開

怨婦

空床月色入帷來四壁虫聲滿耳催君意似珠隨
處轉妾心如鏡不曾開

次曹侍御滿月臺懷古韻

愁雲漠漠日西歎故國傷心客路遲山郭摧殘龍
氣歇御溝填擁水聲悲玄陵謬策無詔厥圃老高
風有仰之喪亂十年重到此不堪惆悵古今思

次望統軍亭韻

鴨水西流作天塹名區自昔稱龍灣大風表出海
東域秀色擁來江北山 聖祖回旗赫 王業孤
臣去國悲鄉關歸時登眺正難料豺虎滿前行路
艱

次咏犬韻

毛羣三百爾難輕載籍徵來見物情為桀吠堯虛
取譬從靈走盾實堪驚齊山獵罷盧騰詠宋國名
傳鵲有聲戀主一心入與似應知造化不偏成

再次咏犬詩韻

眼環斜轉項鈴輕指喉隨人似有情黃耳送書元
自異白衣如幻不須驚秦風漫詠從戎事越俗流
傳吠雪聲免死身烹千古恨英雄何獨忌功成

次詠雪韻

春雪輕飛映日驕旋從衣袖落蕭蕭還思舊歲生
陽路風起楊花十里飄 生陽鎮名舊有十里番楊

哀童男女充汲者

鮮兒漢女共零丁來入胡家託死生辛苦萬端無
處訴不知天地亦何情

次咏鵲韻

二首 胡中無鵲

相風占歲識天機
文采翩翩半臂衣
塞北嚴霜如劍戟
安巢却向海東歸
北俗紛紛好殺機
調弓淬劍血翻衣
佳人寶鏡將軍印
相逐高飛樂處歸

次床字韻

身如虫臂委空床
志似龍泉掃戰場
夢裡化為回道士
玉樓春雨費都梁

有懷南鄉春事復次前韻

風捲茅茨雨打床
野雞山鳥自專場
廢田江上春無主
誰趁清明種黍梁

次聞鴈韻二首

孤響流哀落水湄
悠悠楚客夢先知
上林迢遞關山隔
尺素頻裁欲寄誰

荻芽蘆筍滿江湄
春鴈思歸聖得知
惆悵人生不如鳥
北來南去定依誰

寒食感懷

天涯今日逢寒食
客裡他鄉思故國
故國可思不可見
佳節堪悲亦堪戀
丘原寂寞子姓罕
松柏淒涼香火晚
精靈幾感人事變
夢魂不隔平生面
分明夢魂向誰說
歎息精靈慰何日
哀辭自廢蓼莪

篇血淚已盡肝腸煎

次曹侍御演前篇作十二句韻

我家住在長安北半生無田破硯食愧無文史足
三冬豈有才名傾一國拙官隨牒任流轉懶性耽
閑寡聞見素殮詩人良可刺黃梁夢境何須戀山
濤部中啓事斷翟公門外輪蹄罕丘壑風流能幾
時桑榆日月嗟苦晚千憂百慮心難展地覆天翻
事易變一簣障河竟無功萬箭攢心血洗面竄身
南國類啣恤飛書北闕申瞽說鍾儀遠繫子卿留
異代那知有今日周廷賦詩更無緣已矣當年虛

誦三百篇安得銀河萬斛瀉我腸不受日夜心中
膏火煎

清明日懷舊有感

長安三月清明節備契家家曲水湄野草細侵遊
客履山花先發向陽枝關中舊俗鞦韆戲洧外佳
人為樂詩勝事十年成一夢白頭千里楚囚悲

讀曹侍御夢歸驪庄詩深有所感復用前韻

平生幽興在漁磯擬卜驪丘近水湄蓬華經營足
一畝鷓鴣栖息豈多枝流年荏苒仍遭亂夙計蹉
跎漫入詩今日共為千里客夢遊心想祇成悲

次曹侍御清明韻

遼塞茫茫地一邊客懷春日轉悽然
明妃怨恨黃沙外蘇武歸心白鴈前
短髻尚留殘臘雪寒灰誰換舊鑪烟
吟魂化帶啼鶻血去入鄉山萬樹穿

和曹侍御清明詞十首

十篇皆以人生看得幾清明為起散用諸韻至末篇復以起句倒結若玉環體余甚愛其感慨橫逸自顧老蹇如蹙蛙之躡飛電不能盡效其妙遂自作一體只和其意辭雖拙而情則切矣
人生看得幾清明十日花開一日晴
風雨過來春

又去人生看得幾清明

人生看得幾清明花落春歸綠滿城
西去伯勞東

去燕人生看得幾清明

人生看得幾清明九十春光太薄情
歌舞滿堂留

不住人生看得幾清明

人生看得幾清明花欲開時月欲盈
月滿易虧花

易落人生看得幾清明

人生看得幾清明石火飛光逝水驚
世上神仙不

可見人生看得幾清明

人生看得幾清明銀箭金壺漏水傾
羊肝未燒天

已曙人生看得幾清明

人生看得幾清明無酒當沽有酒傾昨日醉歌今

日哭人生看得幾清明

人生看得幾清明四義二難誰可并行樂但須無

事日人生看得幾清明

人生看得幾清明山上唯聞松柏聲昔日羅衣今

化盡人生看得幾清明

人生看得幾清明投老翻為異域行閉門不知佳

節過人生看得幾清明看如不看所以為悲也

次踏青日思歸韻

羈囚度歲華思家長是說還家何時却向

山路閑踏江邊弄晚沙

復次前韻四首皆無聊中雜詠

長年鈔契費精華浪得文章號滿家誰為魏收藏

拙去流傳不用遍恒沙

由来素性厭紛華門巷蕭然野老家自笑少年湖

海志夢中長占白鷗沙

東湖亭榭競豪華花暎朱門柳拂家喪亂十年人

事變祇今唯見浪淘沙

清平寶殿掩蓮華洞裡仙人第一家安得滿天明

清江先生集卷之一
月夜更携禪老計金沙

清平寺即高君李資玄故宅

暮春月夜感懷

故園春物正芳菲塞外行人尚未歸
鴻鴈無情難繫帛山河舉目祇霏衣
天時不恨堂堂去世事偏傷箇箇非
最愛分明東海月清光流影照金微

曉坐書懷

事業偶成空有跡文章虛富只勞心
留名世上終何用歸卧白雲深復深

次踏青日感懷韻

佳節驚頻過黃沙閉不開
雨聲聞乍急花意想全

俗故國身難到他鄉首獨回
遙知踏青罷幾處醉歌臺

睡起遣懷

睡殘孤枕正銷魂空館寥寥日又昏
遙想故園春雨後梨花落盡掩重門

憶豐山草堂

斷橋歌岸小溪西草沒苔侵路欲迷
一夜雨聲花盡落月明空院子規啼

復用前韻酬曹侍御見和之作

二首

直北關山故國西塞天無際塞雲迷
千年不見遠

東鶴半夜空悲蜀魂啼
銷愁無賴玉東西耿耿孤懷醉不迷何處出遊堪
散釋綠揚沙岸水禽啼

食鵝羹

東國名珍擅四方江魚海蚌陸山梁鵝羹美味人
知少七十年来始一嘗

次送春韻二首

問春何事不留情收拾繁華去若驚花落絮飛都
寂寂晚窓愁絕子規聲

春苔人休怨薄情四時相代不須驚綠陰庭院微

涼好高枕還宜聽雨聲

次曹侍御燕子來有感韻

金陵巷口舊烏衣畫閣雕梁幾度飛今日相看俱
是客蜀禽何獨不如歸

次懦翁韻

朴侍即廣自號

雨色終南山晴光漢江水三春故國思一曲南柯
子

燈夕感懷

四月八日瀋陽城五人環坐雙燈明天涯懷抱
無賴客裡佳辰那可廢風光不與去年似親愛相

思隔千里長安今夜誰家會豪俠繁華何處最十
二街頭少年場三三五五逐隊行紗籠銀燭爭星
月翠袖紅粧豔羅縠一談一笑復一杯三更五更
猶不迴縱然不及昇平樂絕勝他鄉未歸客

偶吟

人生本如寄天地亦無心去去來來者悠悠成古
今

曹侍御帷齋成戲呈一絕

看君意匠奪天工巧闢書帷架半窓安得竹枝添
小檻月明閑倚夢驪江

再用前韻遣懷

由來涉世最難工誰見肯襟洞八窓人事漸艱時
已晚不如歸去釣清江

復疊前韻遣懷

當年宿願在農工長與妻孥對小窓自歎為儒逢
世難到來平陸捻成江

贈曹侍御二首

君詩俊麗筆兼工趙女新粧倚繡窓應笑拙翁寒
到骨屈原枯槁在湘江

胡蘆學士未全工夜捧詞頭漫斲窓文苑只今多

清隱先生集卷之十一
盛譽何人筆力倒潘江

游仙 三首

雲斤月斧鬼神工銀闕金樓白玉窓星斗滿天為
上苑明河回轉作前江

清寧頒朔賀羣工王母窺從玉女窓方朔忽宣滄
水使寶書新出洛陽江

仙家葩藻不期工自吐奇芬動璧窓散着月中秋
桂子天風吹落浙濤江

日日風 二首

千里胡沙日日風乾坤都入晦冥中吾家自有清

冷地不受游塵一點紅

閉門終日避狂風不似清和四月中惆悵故園時

景晚山茶零落滿林紅

復用前韻 三首

高簷急鐸夜鳴風四野驚沙一院中塵滿硯池眉

子暗不教孤客夢春紅

桃花春水棟花風半世光陰老此中今日異鄉懷

節物杳無消息石榴紅

悲歌不寐五更風身世真同雪窖中斷送一春都

寂寞今宵喜見燭花紅

憶故山復用前韻 二首

少年傾慕洛陽風手植名花徧院中一自故園離
亂後可憐虛負滿階紅

金臺川上釣絲風石室山前書屋中想見舊時來
往處蒼苔滿地夕陽紅

懷古有感復用前韻 二首

五柳先生自晉風高情寄在素琴中可憐金紫顏
光祿幾度回頭面叢紅

亂世傷心溯古風夢魂長是在壺中平生最愛逃
秦客管領桃花萬樹紅

聞鄭輔德致和東還書懷寄別

白首人間萬事悲天涯此別更需衣故鄉親愛如
相問為報殘生歸未歸

遣懷

身在為吾患身亡便即休浮生七十二萬事不須
憂

近家十詠 述別思 見于詞

木覓山上朝雲濃木覓山前夕日紅朝雲夕日含
萬態此中正對蓬萊宮蓬萊宮門爭立馬日日喜
報平安火吾家南軒亦見此何日歸來高枕卧

右木覓山南山

拱極負峯應天台高雲不度飛鳥迴誰其仰止配
佳名雲岡學士天下才龍輿時出慶會地千巖
萬壑爭竒吾家住在此山下願言愚之何日歸

右拱極山北岳

漢都諸山祖三角一支蜿蜒作右弼洞壑分開水
石清岡巒互走龍蛇活山頭常見五色雲佳氣惹
惹向金闕吾家對此如對案安得歸歟看終日

右弼雲山北岳

清風溪上太古亭吾家伯氏此經營林壑依然水

圖巖崖自成蒼玉屏父子兄弟一堂席風月琴
持四時樂勝事如今不可追此時此情何人識

右清風溪

弼雲之北拱極西小洞一面通幽蹊山人已去草
堂空白雲無主山鳥啼憶昔尋春雨中來落花滿
地溪水哀吾家相望翠微中少年舊遊如夢回

右白雲洞

一壘回巖擁翠壁清湍激石鳴哀玉洞天寥寥人
跡稀松陰落影蒼苔色酒興詩情遇佳境孤雲夕
鳥同還往吾家分住水東西何日歸來更相訪

右六隱巖

城陰白沙平如削安帖方壇自古昔有國由來即
有事事過無人空寂寞月白風清良友至散步逍
遙樂未已吾家住在一牛鳴何日歸來試杖履

右會盟壇

西麓蒼蒼萬松陰松間石臺清人心芳筵美酒娛
賓客復侑琴歌相對斟園林寂寞喪亂後明月依
然照今古吾家三世與同里何日歸來指其樹

右洗心臺

三清之洞窈而寬青莎白石清溪灣雲冠霞珮誰

寂寞詞人酒客長盤桓長盤桓不知去云是長安
最佳處吾家住在山一邊歸思滔滔不可禦

右三清洞

舊有道觀今廢

佛巖川石稱第一川似琉璃石潤滑幾向遊入費
蠟屐更引書流試椽筆醉折山花歌一曲山風蕭
蕭山月白吾家住近往來熟何日歸歟尋舊跡

右佛巖

八音體

金錢舊會憶長安白頭楚囚哀瀋陽石腸鐵肝試
今日男兒何用太悲傷絲繞蚕身抽不斷心隨江

水去逾長竹林籐枕竟何處銀鐺墨索徒在傍匏
繫憂深宣父歎明夷事異箕子狂土偶遭漂猶反
原仙禽化身亦歸鄉革去汙習自清靜洗盡塵心
師退藏木葉四合綠陰密誰能棄我松栢堂

松栢堂在

石室
樊廬

端午有感 三首

朱明滯客自玄冬半歲光陰異域中從此苦辛還
幾日莫教歸馬後秋鴻
憶曾端午被恩榮宮扇含風法酒清今日異鄉
送令節白頭相對泣瓊城

花時寂寞已悽傷節到天中更感情惟記去年豐
岳里綠陰庭院聽鶯聲

次曹侍御秋夜思歸韻

飛螢露草夜生寒嶺外吾廬入夢間畦稻漸黃村
酒熟歸期不待菊花斑

聞金二師東還 名畫圖

歸路迢迢浪水頭白雲黃葉故園秋誰知海上看
羊客獨向飛鴻送遠眸

遣意

萬事有前定一心誰怨嗟艱難與辛苦命也可如

何

次舍弟韻二首

一別天涯隔歲時
夢中相見覺生悲
書來問我歸何日
塞路茫茫不可期
滿目淒涼白露時
異鄉秋景不勝悲
人生一日猶難遣
枉作平生百歲期

聞擣衣

誰家歷歷擣衣聲
露冷風淒欲五更
遙想長安月明裡
青砧素手玉關情

秋夕日遇社憶陶山有感

西風浙浙洒衣裳
落日歸心燕子忙
寒草上階松露泣
故山秋色益淒涼

八月十五夜

漠漠輕雲捲復舒
夜深雲散月輪孤
三龜亭上登臨處
萬里陰晴得似無

北海高秋

北海高秋鴻雁少
黃沙落日寒白草
楚國歌辭宋玉悲
漢使節旄蘇卿老
朝朝空望玉門關
夜夜只思長安道
長安玉關三千里
夢魂遙遙那得到
聞道王師解錦圍
天文曉見旄頭微
北風嚴霜助肅

殺高文健筆捷書飛麒麟閣上將軍畫鴈門塞外
行人歸此時此情誰與道喜氣先成一篇詩

九月七日遇雨用滿城風雨近重陽之句足
成五首以抒無聊之意

滿城風雨近重陽無限愁心憶故鄉山下草堂人
寂寂可憐寒菊為誰香

滿城風雨近重陽佳節驚心滯異鄉目斷故園人
不到寒衣只帶去年香

滿城風雨近重陽燕地悲秋似楚鄉誰把茱萸看
仔細獨留蘭珮嗅殘香

